

2025-mi aningaasarsiat akileraaruteqaataasussat naatsorsornerini ilitersuuteeraq, akinut nalogititanullu najoqqutassiat.

S 2a

2025-mut nammineerluni nalunaarsuummut ilitersuut (S 2) sukumiisoq Innuttasunut Sullissivimmit pissarsiarineqarsinnaavoq, imaluunniit internettikkut nittartakkami www.aka.gl –imi takuneqarsinnaalluni.

Piffissanut agguataarisoqartarnernut maleruagassat immikkut ittut il.il. pissutigalugit nunatsinnut tikissimasut nunatsinniillu aallarsimasut nammineerluni nalunaarsuiffimmik immersuilersigatik S 2-mik piniaqqaarnissaat innersuussutigineqarpoq.

MALUGIUK: Ukioq isertitaqarfimmiit 2023 ajunngitsorsiat nalingi akileraaruserneqassapput, aningaasarsiat A-nik isertitaqartunut atugassiussutigineqartut, aningaasarsiat A-tut.

1. Nioqqutissanik nammineq atuinnermi akit najoqqutassat:

Inummut ataatsimut ukiumut	
Iffortut	19.202 kr.
Niupertut qerititanik nioqquteqanngitsut	19.812 kr.
Niupertut qerititanik nioqquteqartut	26.213 kr.
Savaatillit tuttuutillilu	2.337 kr.
Neqaarniat pisiniarfiutillit	25.400 kr.

Meeqqat ukiup aningaasarsiorfiup aallartinnerani 12-inik ukioqalersimannngitsut akiusup affaanut naatsorsuunneqassapput.

Akigititani imigassat kimittuut, immiaaqqat, viinnit tupallu ilanngunneqanngillat tamak-kunanngalu atukkat nalingi ilanngunneqartassapput.

2. Suliffeqarfimmit il.il. akeqanngitsumik nerisaqartitaanerup nalingi:

Inummut ataatsimut ukiumut	
Tamakkiisumik nerisaqarneq ullormut.....	84 kr.
Ilaannakortumik nerisaqarneq (nerinerit marluk) ullormut.....	62 kr.
Ilaannakortumik nerisaqarneq (nerineq ataaseq) ullormut	48 kr.

3. Suliffeqarfimmit akeqanngitsumik ineqartitaanerup/najugaqartitaanerup nalinga:

Akeqanngitsumik ineqqamik, inissiaaqqamik (ineeraq igaffeerartaluk), inissiaavittut taane-qarsinnaanngitsumik, najugaqartitaaneq 2025-mut 18.697 kr.-nut nalileneqarpoq. Pisortaatitanut, hoteldirektorinut assigisaannullu akeqanngitsumik najugaqartitaasunut akit immikkut ittut atuupput. Akigititaq inummut ataatsimut ukiumut 65.634 kr.-iuvoq. Meeqqalli ukiup aningaasarsiorfiup aallartinnerani 12-inik ukioqalersimannngitsut affaanarmik naatsorsuunneqassapput.

4. Biilit akeqanngitsumik atorineqartartut nalingat – nalingi nikerarsinnaapput, takuuk aka.gl-imi nalunaarut nr. 159, 3. oktober 2024-meersoq. Biilit Kalaallit Nunaata avataani atugassanngortinneqarsimasut km.-it tamaasa 5 kr.-inik nalilerlugu angissuleneqarpoq. Aamma takuuk aka.gl-imi akeqanngitsumik biileqarnerup akileraartigineqartarnerannut kaajallaasitaq nr. 1, 19. januar 2026-meersoq.

5. Akeqanngitsumik telefoneqartitaanerup nalinga, ukiumut6.000 kr.

6. Akeqanngitsumik internettersinnaatitaanerup nalinga, ukiumut 6.000 kr.

7. Kalaallit Nunaanni tjenestemandinut maleruagassiat naapertorlugit namminersortuni Pisortaniluunniit atorfillit akiliunneqarlutik angalanerisa nalingat akileraaruteqaataassanngilaq inoqutigiinni inuk ataaseq ukiumut ataasarlugu akiliunneqarsinappat.

Akiliunneqarluni angalanerup ataatsip saniatigut 2025-mut inummut ataatsimut angalanerup nalinga annertussuseqarpoq 18.890 koruuninik. Meeqqanut 2-11-nik ukiulinnut angalanerup nalinga annertussuseqarpoq 9.445 koruuninik, meeqqanut 2 inorlugit ukiulinnut nalinga annertussuseqarpoq 1.880 koruuninik.

8. Inuussutissarsiutinut peqatigiiffinnut ilaasortaanermut akiliutit ilanngaatineqarsinnaapput. A-kassemut akiliutit aammalu efterlønisiaqalernissamut akiliutit ilanngaatineqarsinnaanngillat.

9. Ulluunerani imaluunniit ulloq unnuarlugu paaqqinnittarnermi ilanngaattissat:

a) **Ulluunerani paaqqinnittarnermi** aningaasarsiat 1/5-ii uppersaasarnagit ilanngaa-tigineqarsinnaapput, annerpaamilli qaammammut meeqqamut ataatsimut kr. 1.219-t.

b) **Ukiuumut akileraarfiusumi 2025-miit ulloq unnuarlugu paaqqinninnermi aningaasannorlugit tunniunneqartartut ataatsit amerlaqataannik, pisariaqartitsinnermi kiisalu tuaviortumik ilaqutariinni inissinnermi aningaasannorlugit tunniunneqartartunut ilanngaasiineq periarfissaajunnaarpoq.**

Ilanngaasiinnermut periarfissat:

Ilaqutariinni inissinnermi paaqqinninnermut atatillugu aningaasartuutit nalunaarusiorneqarsinappata, aningaasartuutit uppersaasarneqartut paaqqinninnermi isertitamik inuussutissarsiornermut, qularnaarinnermut aserfallatsaaliuinnermullu atorineqarsimasut ilanngaatineqarsinnaapput. Tamatumani, aningaasartuutit kommunimit aamma/imaluunniit Namminersorlutik Oqartussanit matussusigassaanut ilaanginnermut, uppersaasarneqarnissaat piumasaqaataavoq. Ukiumut aningaasarsiorfiusumi 2025-miit ilaqutariinni inissinnermi paaqqinninnermut isertitaalerput A-t.

10. Tigummigallarneqartunik isumaginninnermi aningaasartuutit uppersaasarnagit tigummigallarneqartumut ataatsimut ulloq unnuarlugu 171 kr.-t ilanngaatineqarsinnaapput.

11. Nerisaqarnermut aammalu ineqarnermut/najugaqarnermut il.il.

aningaasartuuteqarnerulissutit ilanngaatiginerat:

Akileraartartoq suliamut/inuussutissarsiornerminut atatillugu najugaqarfimmi/illoqarfimmi/sullivimmi (Kalaallit Nunaanni) utaqqiisaasumik avataani sulitilluni, tamatumunngalu atatillugu nerisaqarnerminut (takuuk imm. a) kiisalu ineqarnerminut/najugaqarnerminut (takuuk imm. b) aningaasartuuteqarneruleruni, aningaasartuuteqarnerulissutini tamakku **uppersaasarsinnaasani** ilanngaatiginennaavai. Taamaattorli akileraartarnermut inatsimmi § 34, imm. 1, nr. 8 naapertorlugu akileraaruteqaataasussaannngitsunik ullormusiaqartitsisoqarsimatillugu aammalu/imaluunniit angalanerisutisiaoqartitsisoqarsimatillugu ilanngaateqartoqarsinnaanngilaq.

a) Nerisaqarnermut il.il. aningaasartuuteqarnerulissutit:

Aningaasartuuteqarnerulissutit nalilerneranni, ullormut aningaasartuutit akileneqarsimasut uppersaasatitallit "akeqanngitsumik nerisaqarnerup" ullormut nalinga Naalakkersuisunit aalajangerneqarsimasooq qaangersinappassuk, taava taakku nikingassutaat ilanngaatineqarsinnaapput. Avataasiornermi aningaasartuuteqarnerulissutit ilanngaatineqarsinnaanngillat.

b) Ineqarnermut/najugaqarnermut aningaasartuuteqarnerulissutit:

Kalaallit Nunaanni angelerisaffittut illoqarfiup/nalinginnaasumik sullivip avataaniinnermi akeqanngitsumik ineqartitsisoqarpat - sulisitsisup najugassaqaarfiutaani taassumaluunniit akiligaani - taassuma nalinga akileraaruserneqassanngilaq, akileraartartup Kalaallit Nunaanni inigivigisani/najugarisani pigiinnarpagu.

Piffissaq eqqorlugu kingusinnerpaamik tunniussiffissaq tassaavoq 1. maj 2026.

Tunniussiffissamut piffissaliussaq ullormik ataatsimik qimmorneqarneri tamaasa akile-raarutissat tapiliussamik 200 kr.-inik qaqqanneqartassapput, taamaattorli inunnut tunnga-

tillugu annerpaamik 2.000 kr.-inik, aammalu namminersorlutik inuussutissarsiutinik
ingerlataqartunut kiisalu selskabinut assigisaanullu tunngatillugu annerpaamik 5.000 kr.-
inik.